



**UNIT KOMUNIKASI KORPORAT  
JABATAN PERIKANAN  
MALAYSIA  
BERITA PERIKANAN HARI INI**

**2 SEPTEMBER 2022**

<b>SENARAI AKHBAR</b>	<b>TAJUK</b>
Utusan Malaysia	
Berita Harian	<ul style="list-style-type: none"><li>• "Gagal bawa keluar 1.1 tan ikan"</li></ul>
Harian Metro	
Kosmo !	<ul style="list-style-type: none"><li>• APMM Perak rampas 31 set bubu naga</li></ul>
Sinar Harian	<ul style="list-style-type: none"><li>• '31 bubu naga dirampas"</li></ul>
The Star	
New Straits Time	
Nanyang Siang Pau	
Harakah	
Oriental News Daily	
The Borneo Post (KK)	
Bernamea	
See Hua Daily News (Kuching)	
Guan Ming Daily	
Sin Chew Daily	

JENIS AKHBAR							MUKA SURAT	TARIKH
UTUSAN MALAYSIA		KOSMO!		THE STAR		NANYANG SIANG PAU		
BERITA HARIAN	/	SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		19	2/9/2022

# Gagal bawa keluar 1.1 tan ikan

BH 2/9/2022 ms 19



## Maritim Malaysia Kelantan tahan 6 nelayan warga Vietnam dekat Muara Tok Bali

Oleh Nor Amalina Alias  
bhnews@bh.com.my

**Pasir Puteh:** Agensi Penguasaan Maritim Malaysia (Maritim Malaysia) Kelantan mematahkan cubaan membawa keluar 1.1 tan ikan yang dikaut nelayan asing di perairan negara ini.

Pengarahnya, Kepten Maritim Syed Nor Adli Syed Ab Rahman, berkata bot nelayan Vietnam di-

naiki enam individu, termasuk tekong itu pada awalnya dikesan dalam keadaan mencurigakan pada jam 6.10 petang pada Selasa lalu.

Beliau berkata, mereka cuba melarikan diri, namun berjaya dipintas pihak Maritim Malaysia pada jam 6.35 petang dan pemeriksaan ke atas bot menemui hasil laut bersama enam nelayan tanpa pengenalan diri.

Katanya, semua tekong, awak-awak dan bot dibawa ke jeti Maritim Tok Bali dan tiba pada jam 9 pagi kelmarin.

### Tiada pengenalan diri

"Selain ikan 1.1 tan, kita turut merampas diesel 500 liter dan peralatan menangkap ikan dengan nilai RM365,000.

"Semua nelayan berusia antara 32 hingga 52 tahun itu ditahan

kira-kira 55 batu nautika dari Muara Tok Bali," katanya di sini, semalam.

Syed Nor Adli berkata, mereka juga gagal mempamerkan sebarang dokumen kebenaran melakuan aktiviti perikanan di perairan Malaysia.

"Kes disiasat mengikut Seksyen 15(1)(a) Akta Perikanan 1985.

"Jika sabit kesalahan, mereka boleh dihukum mengikut Seksyen 25(a), iaitu denda sehingga RM6 juta kepada tekong dan RM600,000 ke atas setiap kru.

"Kita bertegas membanteras kegiatan mengaut hasil laut negara yang semakin menjadi-jadi sejak akhir-akhir ini dengan melaksanakan Op Khas Naga Barat, Op Khas Gamat dan Op Damai yang menjadi kejayaan rampasan kali ini," katanya.

Anggota Maritim Malaysia menahan nelayan asing di Muara Tok Bali.

(Foto ihsan Maritim Malaysia)

JENIS AKHBAR							MUKA SURAT	TARIKH
UTUSAN MALAYSIA		KOSMO!	/	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		16	2/9/2022

## APMM Perak rampas

### 31 set bubu naga KOSMO! 2/9/2022 ms 16

**KUALA KURAU** – Maritim Malaysia (APMM) Zon Maritim Kuala Kurau merampas 31 set bubu naga di kedudukan kira-kira 2.4 kilometer arah barat daya Pulau Kalumpang, di sini kelmarin.

Dalam kejadian pada pukul 8.50 pagi, pasukan bot ronda APMM mengesan pelampung mencurigakan disyaki penanda kepada bubu naga ketika melakukan rondaan rutin.

Pengarah Zon Maritim Kuala Kurau, Komander Maritim Mohd. Najhan Azman Hamid berkata, hasil pemeriksaan dilakukan menemukan sebanyak 16 set bubu naga di lokasi pertama iaitu di kedudukan 2.4 kilometer barat daya Pulau Kalumpang dan selebihnya di 2.22 kilometer di perairan sama.

“Kesemua bubu naga dan penanda dirampas serta dibawa

ke Jeti Zon Maritim Kuala Kurau untuk tindakan lanjut.

“Anggaran nilai rampasan bubu naga pada kali ini dianggarkan berjumlah RM2,790 dengan nilai RM90 setiap satu set,” katanya dalam kenyataan semalam.

Menurut Mohd. Najhan, kes disiasat mengikut Seksyen 11(3) (c) Akta Perikanan 1985 iaitu memasang atau menyebabkan dipasang belat ikan, peralatan menangkap ikan atau peranti mengumpul ikan yang tidak dilesenkan tanpa kebenaran bertulis daripada Ketua Pengarah Perikanan Malaysia.

“APMM mengingatkan kepada semua komuniti nelayan agar sentiasa mematuhi undang-undang yang telah ditetapkan demi kelestarian ekosistem perairan Malaysia,” tambahnya.



**SEBAHAGIAN** daripada bubu naga yang dirampas APMM di Pulau Kalumpang, Kuala Kurau kelmarin.

JENIS AKHBAR							MUKA SURAT	TARIKH
UTUSAN MALAYSIA		KOSMO!		THE STAR		NANYANG SIANG PAU		
BERITA HARIAN		SINAR HARIAN	/	THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		27	2/9/2022

Sinar Harian  
2/9/2022 ms 27

## 31 bubu naga dirampas

**PARIT BUNTAR** - Agensi Penguatkuasaan Maritim Malaysia (Maritim Malaysia) Perak merampas 31 set bubu naga di kedudukan 1.2 dan 1.3 batu nautika barat daya Pulau Kalumpang di sini, pada Rabu.

Pengarah Zon Maritim Kuala Kurau, Komander Maritim Mohd Najhan Azman Hamid berkata, pasukan bot ronda telah mengesan pelampung yang mencurigakan disyaki penanda kepada bubu naga sekitar jam 8.50 pagi.

"Hasil pemeriksaan menemukan sebanyak 16 set bubu naga di lokasi pertama iaitu di kedudukan 1.3 batu nautika barat daya Pulau Kalumpang dan selebihnya dijumpai di 1.2 batu nautika perairan yang sama.

"Kesemua bubu naga bernilai RM2,790 dirampas dan dibawa ke Jeti Zon Maritim Kuala Kurau dan kes disiasat di bawah Seksyen 11(3)(c) Akta Perikanan 1985," katanya dalam kenyataan di sini pada Khamis.